

Է. Կարաոյետյան

ՏԱՆՈՒ ԾԱՌԱՆԵՐԻ ԻՆՍՏԻՏՈՒՏԵ ՀԱՅԱՍՏԱՆՈՒՍ

Միջնադարյան հուշարձանների առանձին տվյալների և հիմնականում անցյալ դարի երկրորդ կեսին վերաբերող ազգագրական նյութերի բնութագրումը թույլ է տալիս ենթադրելու, որ իր զարգացման ընթացքում հայկական ընտանեկան համայնքի կազմը կրել է արմատական փոփոխություններ:

Տվյալ դեպքում մեզ հետաքրքրում է վաղագույն ժամանակներից ընդհուպ մինչև անցյալ դարի վերջերը ընտանիքի կազմի մեջ մտնող տնային աշխատողի հասարակական դրության պատմական զարգացման հարցը:

Ինչպես հավաստում են ազգագրական նյութերը, անցյալ դարի երկրորդ կեսին Հայաստանում գոյություն է ունեցել, այսպես կոչված, նոքարների ինստիտուտը: «Նոքար» բարբառային բառը սլաոնական ծագում ունի և նշանակում է ծառայող: Հայերենում «նոքար»-ի հոմանիշներն են «մշակ» բառը և որոշ բարբառներում տարածված «հոտաղ», ինչպես և արաբական ծագում ունեցող «ազալ»՝ շամուսնացած տղա կամ աղջիկ բառերը:

Ինչպես ցույց է տալիս Ս. Սրեմյանը «ծառայող» և «մշակ» տերմինները հիս Հայաստանում նշանակել են ստրուկ, ընդ որում «մշակ» կոչվել է մասնատիրական տնտեսություններում աշխատող ստրուկը<sup>1</sup>:

Տարբեր ծայրում ունենալով, հետադայում մշակ, ծառայող, նոքար, ազալ և հոտաղ տերմինները ստացել են տնային վարձու աշխատողի իմաստ, իսկ վերջինս (հոտաղ կամ հողաղ) գործ է ածվել նաև ընտանիքի անդամ հովվի և երիտասարդ աշխատողի նշանակություններով:

Առանձին դեպքերում տանտերը թույլ էր տալիս նորարին ամուսնանալ իր աղջկա հետ: Մարտունու շրջանի Ղարանլուղ գյուղում նման ամուսնությունների մասին խոսում են որպես միանգամայն սովորական երևույթի: Այսպես, այդ գյուղում մի տանտեր, որին դուր է գալիս իր հոտաղի աղնիվ վարքը և աշխատասիրությունը, առաջարկում է նրան ամուսնանալ իր միակ դստեր հետ, նորասլակներին տալով մի քանի ուխար, մի հորթ, անկողին և տնային կահկարասի: Նախկին նոքարը առանձին տնտեսություն է կազմում և ժամանակի ընթացքում դառնում է միջակ տնտեսատեր<sup>2</sup>:

Հետաքրքրական են Սալմաստի Աղրակ գյուղից Ղարանլուղ գաղթած Մուսենի և իր նոքարի միջև ստեղծված փոխհարաբերությունները: Մուսենը՝ տանտերը ունեցել է յոթ դուստր և մի մանկահասակ որդի: Ղազարը նրա տանը 14 տարի մշակություն է անում: Վեց աղջիկներին ամուսնացնելուց հետո, Մուսենը Ղազարին առաջարկում է ամուսնանալ իր անդրանիկ դստեր հետ, սլայմանով, որ նա դառնա տնտեսա, իր մահից հետո թառանգի ընտանիքի գլխավորությունը, սլարտավորություն ստանձնելով մեծացնել իր մանկահասակ որդուն: Ղազարը

<sup>1</sup> «Вестник древней истории», 1950, № 6, էջ 23:

<sup>2</sup> Ստ. Մալխասյան, Հայերեն բացատրական բառարան, հատ. 3, էջ 12:

<sup>3</sup> Նյութը հաղորդել են զարանլուղցիներ Քաչատուր Սլեբասյանը և Գևորգ Քոզոսյանը:

ամուսնանում է տանտիրոջ դստեր հետ, նրա մահից հետո իսկասպես դառնում ընտանիքի գլխավորն ու ժամանակի ընթացքում մեծացնում և ամուսնացնում տանտիրոջ որդուն: Ընտանիքը բաղմանում է, բաժանվում է երկու դուստր ընտանիքի, ընդ որում նրանցից մեկը կազմում են Ղազարի, իսկ մյուսը՝ հանգուցյալ տանտիրոջ որդու՝ Մնացի որդիները իրենց ուղիղ վերընթաց սերունդներով: Ընտանիքի ունեցվածքը հավասարապես բաժանվում է երկու ընտանիքի միջև:

Եթե նոքարը, երկար տարիներ ապրելով տիրոջ տանը, ցանկանում էր ամուսնանալ, հարսնացուի ընտրությունը կատարվում էր նույն կարգով, ինչ տվյալ գերդաստանի անդամինը: Այսպես, Ղարանլուղ գյուղում տանտեղը իր գերդաստանում տաս տարի ծառայած հոսաղին ամուսնացրել է համագյուղացի աղջկա հետ, նրանց տալով մի կով, անկողին և այլ կահկարասի: Դեպքեր են եղել, երբ ամուսնանալուց հետո նոքարին տրվել է որոշ հողամաս գերդաստանի ծխատիրությունից: Գ. Հալաջյանի հաղորդմամբ, Դերսիմի լեռնային հնձորեկ գյուղում նույն գերդաստանում մի քանի տարի աշխատած նոքարի հարսանեկան ծախքերը հոգալը և ժամանակավոր օգտագործման համար նրան հողամաս տալը եղել է ընդունված սովորույթ: Այդ սովորույթը խախտողը դատապարտվում էր գյուղական համայնքի կողմից: Նույն սովորույթը եղել է նաև Բերդակ (Վանի վիլայեթ)<sup>1</sup> և Հավատորիկ (Սասուն)<sup>2</sup> գյուղերում:

Ամուսնանալուց հետո նոքարը հաճախ բնակվում էր տանտիրոջ տան մոտ և իր կնոջ ու երեխաների հետ միասին շարունակում էր աշխատել տվյալ գերդաստանի համար:

Եթե մինչև ամուսնանալը նոքարը կատարում էր երկրագործական աշխատանքներ, ապա գերդաստանի մյուս անդամների հետ միասին քնում էր տանտնում, իսկ եթե հովիվ էր՝ ախոռում: Նա ուտում էր գերդաստանի տղամարդկանց հետ, և երիտասարդ հարսները նրան ծառայում էին գերդաստանի տղամարդ անդամներին հավասար: Ղարանլուղ գյուղի բնակիչները, որպես ամոթալի երևույթ, մինչև օրս էլ նախատինքով են հիշում, որ Բզնունիների տանը տանտերը աշխատողին առանձին է կերակրել և նույնիսկ նրա համար ցածրորակ հաց է թխել տվել: Հետաքրքրական է, որ հաղորդող Գ. Պողոսյանը հրատարակեց հաստատել այս փաստը, ասելով, որ դա անցած բան է և չարժե հանգուցյալի մասին վատ հիշել:

Նոքարը մասնակցում էր գերդաստանի տղամարդկանց զրույցներին, ներանց հետ էր անցկացնում իր ազատ ժամանակը:

Հայկական գերդաստանում նոքարի հատուկ գրույթյան վրա ուշադրություն են դարձրել մի շարք հայ աղագորագետներ:

«Մառան, — գրում է Ն. Հալաջյանը, — որ միայն հարուստ տներումն է լինում և առավելապես վարձվում է անասունները հոգալու և դաշտում աշխատելու նպատակով՝ տան անդամ է համարվում: Նա տղամարդկանց հետ է հաց ուտում, նրանց խոսակցություններին առանց քաշվելու մասնակցում: Սա ևս աներկյուղ հրամայում է փոքր հարսին. այսպես, օրինակ, եթե կամենա ջուր խմել, նույնիսկ այն միջոցին, երբ բոլոր տղամարդկանց հետ հացի է նստած,

<sup>1</sup> Հստ Խաչատուր Մելիքյանի հաղորդման:

<sup>2</sup> Հստ Եղիազար Կարապետյանի հաղորդման:

հրամայում է փոքր հարսին, որ ջուր սա, և սա առանց տրտնջալու կատարում է հյուսմանը»<sup>1</sup>:

Նոքարի իրավունքների մասին ավելի լրիվ պատկերացում է տալիս Ստ. Լիսիցյանը. «Ճաշի ժամանակ մի տեսակ հավասարություն էր հաստատվում տղամարդկանց միջև (բացառությամբ տղամարդկանց դասավորումը ըստ ավագության): Եթե տանը կար տնային աշխատող կամ հովիվ, ընդհանուր առմամբ բոլոր նոքարները նստում էին սեղանի շուրջը՝ տանտիրոջ ընտանիքի հետ մյուսին: Աշխատողը օգտվում էր ընտանիքի տղամարդ անդամների բոլոր արտունություններից: Նա արական սեռի մյուս անդամներին համահավասար, կարող էր հրամայել կրտսեր հարսին կամ աղջկան՝ իր համար ջուր, թարմ հաց, պղպիս, լրացուցիչ կերակուր բերելու»<sup>2</sup>:

Նկարագրելով Վանի նահանգի գյուղերից մեկի գերդաստանը, հայտնի բանահավաք Մ. Միրախորյանը գրում է, որ առանց բացառության բոլորը՝ ծերերը և երեխաները, պատանիներն ու աղջիկները, հովիվը և ծառան, միատեսակ էին ընդունում և հյուրասիրում հյուրին»<sup>3</sup>:

Այս խիստ յուրատեսակ ինստիտուտը, սակայն, երբեք հատուկ ուսումնասիրության առարկա չի հանդիսացել: Սիայն Ստ. Լիսիցյանն է տվել դրա ընդհանուր բնորոշումը, ըստ որի դա 19-րդ դարի վերջի և 20-րդ դարի սկզբի հայ գյուղացիական միջավայրում պահպանված հայրիշխանության ժամանակի փոխհարաբերությունների սովորութեամբ հետաքրքիր մնացուկն է՝

Վերոհիշյալ փաստերի հիման վրա կարելի է եզրակացնել, որ նոքարի դրությունը բավականին հակասական է եղել. մի կողմից նա իր աշխատանքը վաճառել է տվյալ գերդաստանին, մյուս կողմից, սովորութեամբ հրավունքով, նա համարվել է գերդաստանի անդամ:

Հարուստ ընտանիքների կողմից սակավահող և հողազուրկ գյուղացիներին շահագործելը հասարակական հարաբերությունների տվյալ աստիճանում օրինաչափ երևույթ էր: Նոքարի՝ որպես գերդաստանի հավասար անդամի, դրության հակասականության բացատրությունը, ըստ երևույթին, հարկավոր է փնտրել մեծ ընտանիքի զարգացման ավելի վաղ աստիճանում:

Միանգամայն ակներև է, որ գերդաստանում վարձու աշխատողի նկատմամբ ցուցաբերվող նման վերաբերմունքը վարվեցողության երբեմնի շափսնիչների մնացուկ է: Պատահական չէ, որ քաղաքներում և առանձին առաջավոր գյուղերում նոքարի և գերդաստանի անդամների փոխհարաբերությունները կրում էին բոլորովին այլ բնույթ: Դա շահագործողի և շահագործվողի շքողարկված փոխհարաբերությունն էր:

Հայ մեծ ընտանիքում տան աշխատողի դրության լուսաբանման տեսակետից զգալի հետաքրքրություն է ներկայացնում Պերճ Պոռչյանի «Բղղե» վեպը:

Աշտարակցիների կենցաղի հմուտ գիտակի գեղարվեստական ստեղծագործությունները ողողված են արժեքավոր ազգագրական նյութերով: «Բղղե» վեպում տրված տան աշխատողի (որը հին Բայազետի գաղթականների բարբա-

<sup>1</sup> «Ազգագրական հանդես», Թիֆլիս, 1898, Գ. դիրք, էջ 236 - 237:

<sup>2</sup> Кавказский этнографический сборник, т. 26, Москва, 1956, стр. 221.

<sup>3</sup> Մ. Միրախորյան, Նկարագրական ուղևորությունն ի հայարնակ գաղափա Արևելյան Հայաստանի, Կ. Պոլիս, 1884, 2-րդ մաս, էջ 28:

<sup>4</sup> Кавказский этнографический сборник, т. 26, стр. 221.

սում անվանվել է թուրքերեն «ամալա», այսինքն՝ «աշխատող» բառով) դրու-  
թյան նկարագրությունը կարող է օգտագործվել որպես լիովին հավաստի նյութ:

Մեծ հետաքրքրություն է ներկայացնում տան աշխատողի և տանտիրոջ  
փոխհարաբերությունների բնութագրությունը, որոնք հեղինակի հավաստումով,  
ւլայմանավորված էին ոչ թե գոյություն ունեցող սլարոագիր շուփանիչներով,  
այլ ավանդատաճություններով: «Նվ որովհետև ամալան մի տեսակ սեփականության  
սլես բան է, յուր տիրոջ համար, թեև ոչինչ քաղաքական կամ մասնավոր պայ-  
մաններով կասկած չէ, այլ նահաստական ավանդականության վերա է միայն  
հիմնված, այդ սլատաճումով աղայի սլարտակսնությունն է յուր ստորին անդա-  
մի, յուր հացափոր ծառայի՝ յուր ամալայի ամեն տեսակ հոգսերը քաշելու»<sup>1</sup>:

Նույն վեպում տանտերը տան աշխատողի մասին խոսում է որպես իր ըն-  
տանիքի անդամի: Եւ տանտիրոջը սլարտավորեցնում է հոգալ նրա ապագայի  
և նույնիսկ կնոջ ու երեխաների մասին: Ամուսնացնելով աշխատողին, տան-  
տերը նրան տալիս է բնակարան և դուլք: Կազմելով իր առանձին տնտեսու-  
թյունը, «ամալան» շարունակում է աշխատել աղայի տանը<sup>2</sup>:

Ենուս անցյալ դարում սլահայանվող ժողովրդական սովորութեան իրա-  
վունքի շափանդանքը, ըստ որի տան աշխատողը ընտանեկան կյանքի առան-  
ձին բնագավառներում ընկալվում է որպես գերդաստանի անդամ, — ենթադրել  
են սալիս, որ, հավանաբար, նորարոթյան ինստիտուտը հեռավոր առնչություն  
ունի տնային ստրկության հետ և հանդիսանում է տնային ստրկության վե-  
րափոխված ձևը:

Մեր ենթադրության ճշմարտացիությունը հիմնավորելու համար դիմենք  
սլատական փաստաթղթերին: Իրենց կազմում տնային ստրուկներ ունեցող  
ընտանիքների մասին առաջին գրավոր տեղեկությունները սլահայանվել են  
ասորա-բարելական աղբյուրներում:

Այդ տվյալները վերաբերում են Հին Հայաստանի տերիտորիայում ուրար-  
տական ստրկատիրական սլտության գոյության շրջանին:

Ինչպես հայտնի է, ուրարտական սլտության կազմի մեջ մտած առանձին  
ցեղեր հանդիսացել են հետագայում կազմավորված հայ ժողովրդի հիմնական  
բաղադրիչներից մեկը: Այլ տեսակետից էլ ուրարտացիների ընտանիքի մասին  
առանձին տվյալներ սլարունակող ասորա-բարելական արձանագրությունները  
որոշակի հետաքրքրություն են ներկայացնում և նվաստում են սլարուելու  
ուրարտացիներից հայ ժողովրդին փոխանցված հասարակական կառուցվածքի  
հարցը:

Սարգոն Բ-ի գեպի Ուրարտու կատարած արշավանքներին (714 մ. թ. ա.)  
նվիրված «Հանդիսավոր արձանագրություն» մեջ կան հետևյալ տողերը. «Նրա  
բաղաքի դռների դեմ ես իշա հաղթականորեն և դերեցի նրա կնոջը, նրա որ-  
դիներին, նրա դուստրերին, նրա մարդկանց, նրա տոհմի սերունդը»<sup>3</sup>:

Նույն արձանագրության մի այլ տեղում ասվում է.

«...Ամբիսին իր ընտանիքով և ծառաներով, իր տոհմի տնդամներով (նրա  
հոր տան սերունդով), իր կրկրի իշխանավորներով, 100 սաղմակաբորով ևս  
տարա Ասորեստան»<sup>4</sup>:

<sup>1</sup> Պ. Պարսյան, Երկրի ժողովածու, Երևան, 1953, հատ. 2, էջ 227:

<sup>2</sup> Նույն տեղում, էջ 230:

<sup>3</sup> Вестник древней истории, 1951, № 3, стр. 33.

<sup>4</sup> Նույն տեղում, էջ 28, 54:

Բերված երկու հատվածներում ընտանիք կազմող ազգակիցների հետ միասին, ինչպես տեսնում ենք, հիշատակվում է նաև մարդկանց մի կարգ մարդիկ, «ծառաներ»։ Պետք է ենթադրել, որ «մարդիկ» կամ «ծառաներ» տերմինները վերաբերել են տնային ստրուկներին։ Այդ է ցույց տալիս թվարկման կարգը արձանագրություններում. մարդիկ և ծառաներ բառերը հիշատակվում են ընտանիք կազմող արյունակից ազգականներից հետո և «նրա տոհմի» անդամներից առաջ։

Ուրարտական հասարակական հարաբերությունների զարգացման այդ աստիճանում ընտանիքը որպես այդպիսին անջատված էր տոհմից, թեև տոհմային հարաբերությունները շարունակում էին զգալի դեր խաղալ։

Բնագրից միանգամայն ակնհայտ է, որ «մարդիկ» և «ծառաները» ընտանիքին ավելի մոտ խումբ էին, քան տոհմային ազգակիցները։

Ընտանիքի զարգացման որոշ աստիճանում տնային ստրուկների գոյություն մասին ուղղակի ցուցումներ է պարունակում Մովսես Խորենացու նկարագրած Հայկի գաղթի հատվածը։ Բերենք այդ տողերը. «Որում ոչ կամեցեալ հնազանդ լինել Հայկայ, յևտ ծնանելոյ զորդի իւր զԱրամանեակ ի Բարելոնի՝ շու արարեալ զնայ յերկիրն Արարադայ, որ է ի կողմանս հիւսիսոյ, հանդերձ որդւովք իւրովք և դստերօք և որդւոց որդւովք, արամքք զօրաւորօք թուով իբրև երեք հարիւր, և այլովք ընդոծնօք և եկօք յարեցելովք ի նա և բոլոր աղխիւ»<sup>1</sup>։

Այս հատվածից երևում է, որ Հայկի ընտանիքի կազմում, բացի արյունակից ազգականներից, մտել է «ընդոծինք» անվանվող մարդկանց խումբը. Խորենացին Հայկի ազգակիցների խումբը հստակորեն սահմանազատում է ընդոծիների խմբից։

Այս հանգամանքի վրա առաջին անգամ ուշադրություն է դարձրել Խ. Սամ. վելյանը «Հին հայ իրավունքի պատմությունը» աշխատության մեջ, նշելով, որ «ընդոծիներին» տակ պետք է հասկանալ տոհմին, ընտանիքին պատկանող ոչ-ազգակից տարրերը։

Իսկ ո՞վքեր են այդ խորթ տարրերը։

Ընդոծին տերմինը արդի հայ պատմագրության մեջ մեկնաբանվում է որպես տնային ստրուկ։ Ենթադրություն կա, որ «աղխ» տերմինը նշանակում է ընտանիքին պատկանող ամբողջ ինչքը, այդ թվում նաև տնային ստրուկները։

Ս. Երեմյանը «Ստրկատիրությունը Հին Հայաստանում» աշխատության մեջ գրում է. «Ստրուկները իրենց ծագմամբ բաժանվել են երկու կարգի՝ «ընդոծին» (տառացիորեն՝ տնարույս) և «աւտարածին»։ Ընդոծիների կարգին է պատկանել նաև «աղախներ», որը հետագա աստիճանում նշանակել է ընդհանուր առմամբ ստրուկահի։ Այսպիսով, — եզրակացնում է հեղինակը, — գոյություն է ունեցել տիրոջ ընտանիքում, կամ տոհմում ծնված ստրուկների մի կարգ. դրանք ժառանգական ստրուկներ են, հաճախ ծագած ստրուկի հետ հասարակության ազատ անդամի կենակցություններից»<sup>2</sup>։

Շատ հավանական է, որ Խորենացին նախարարական Հայաստանում հանդիպել է ստրկատիրական ժամանակաշրջանում գոյություն ունեցած մեծ ընտանիքների շառավիղների, որոնց կազմի մեջ արյունակից-ազգակիցների հետ միասին մտել են նաև ընդոծին կոչվող տնային ստրուկներ։

<sup>1</sup> Մովսես Խորենացի, Պատմութիւն Հայոց, Տփլիս, 1913, էջ 33։

<sup>2</sup> ВДИ, 1950, № 1, стр. 21.

Հայաստանում ֆեոդալական հարաբերությունների զարգացմանը զուգընթաց մեռնում են ստրկատիրական հասարակության ինստիտուտները: Որպես ստրկության ձևերից մեկը, հետդճետե անհետանում է նաև տնային ստրկության ինստիտուտը, որի մնացուկները շարունակվում են պահպանվել հորենացու ժամանակ:

Ի լրումն նախարարական Հայաստանում տնային ստրկության վերապրուկները հավաստող հորենացու տվյալների, բերենք ևրկու այլ վկայություն ևս:

Շահապիվանի ժողովի Երենքների հողվածներից մեկն ասում է. «Նթե կին որ արար և ամուլ պատահեաց, և այրն հանցի, զնա վասն ամլութեան, որ ինչ կնոջն կարասի բերեալ է ի տուն, թէ աղախին, թէ անասուն, թէ հանդերձ, թէ արծաթ, առնուլ իշխան է և գնալ»<sup>1</sup>: Այստեղ խոսքը միանգամայն որոշակիորեն տնային ստրկուհու մասին է, ընդ որում «աղախին» տերմինը գործածված է իր սկզբնական նշանակությամբ:

Մեծ հետաքրքրություն է ներկայացնում Ղազար Փարսեցու վկայությունը, որրց իմանում ենք, որ տնային ստրուկներն արդեն անվանվում են ոչ թե «ընդոծին», այլ «ծառա»:

«Իսկ զայրն Մամիկոնեան զՎարդ ոչ միայն լոկ անձամբ, այլ և ծառայիւ», դրամ և կազմով, յամուլ տեղեաց շահաստանին, ի բարձրաբերձ պարսպացն և յասպարափակ բաղմութենէ պահպանացն, ընկալեալ իբրև զարծուի ի թևս յուր և ընդ բաղում անցուցեալ օթևանս՝ ածեալ հասուցանէր խաղաղութեամբ ի յերկիրս Հայոց»<sup>2</sup>:

«Ծառա» տերմինի օգտագործումը տնային ծառայողի նշանակությամբ՝ տվյալ քնադավառում կասկածի տեղիք չի տալիս: «Ընդոծին» տերմինը տնային ստրկության հետ միասին անհետանում է, բայց պահպանվում են այդ ինստիտուտի վերափոխված մնացուկները, որոնք արտահայտելու համար այդ տերմինների հետ միասին գործածվում է երբեմնի առավել որոշակի նշանակություն ունեցող «ծառան»: Ժամանակի ընթացքում «ծառան», ինչպես ասացինք, տնային աշխատողի նշանակություն է ստանում:

Հայ ընտանիքի բնույթը անցյալում լուսաբանելու տեսակետից որոշ օգնություն կարող է ցույց տալ «գերդաստան» տերմինի քննությունը:

«Գերդաստան» բառը մեծ ընտանիքի իմաստով գրական շրջանառության մեջ է մտցվել ազգագրագետների՝ մասնավորապես Ս. Լալայանի կողմից, անցյալ գարի երկրորդ կեսին և ստացել է բավական լայն տարածում: «Գերդաստան» տերմինը ընտանիքի նշանակությամբ ուշ շրջանում գործածվելը նշում է նաև Հրաչյա Աճառյանը<sup>3</sup>:

Ժողովրդական լեզվում ընտանիքի նշանակությամբ տարածված են եղել տուն և օջախ տերմինները: Նվազ գործածական է գերդաստան տերմինը, որը ստուգաբանված չէ և ժողովրդական ստուգաբանությամբ սխալ կերպով կապվում է «տուն» բառի հետ («գերդաստան»):

Հայ միջնադարյան գրականության մեջ մեծ թե փոքր ընտանիքի նշանակությամբ հանդիպում ենք «տուն», «ընտանիք» տերմիններին: «Գերդաստան» տերմինը գործածված է միայն Հովհան Ոսկեբերանի «Մեկնութիւն յաւետարա-

<sup>1</sup> Կանոնադիրք Հայոց, հատ. Ա. Ղլտճյանի, Թիֆլիս, 1913, էջ 61:

<sup>2</sup> Ղազարայ Փարսեցույ, Պատմութիւն Հայոց և թուրք առ Վահան Մամիկոնեան, Տիֆլիս, 1904, էջ 131:

<sup>3</sup> Լ. Աճառյան, Արմատական բառարան, հատ. 2, էջ 12:

նադիրն Մատթէոս» — աշխատության մեջ և 10-րդ դարի սլաոմիչ Հովհաննես Դրասխանակերտցու գրքում:

Աստվածաշնչում հունարեն *οικονομία* բառը թարգմանված է «գերդաստան» բառով՝ ծառայի նշանակությամբ: «Եւ ասէ Տէր. ո՞վ իցէ հաւատարիմ անտես և իմաստուն, զոր կացոյց տէր իւր ի վերայ գերդաստանի (ընդգծումը մերն է — է. Կ.) իրոյ տալ ի ժամու ղկերակուրս» (Ղուկաս, ԺԲ, 42):

Հ. Ոսկեբերանի նշված գործում «գերդաստանը» գործ է ածվում ծառայի, աղախնի ինչպես և ամեն տեսակ դուլքի («ինչք», «ունեցած-չունեցած») նշանակությամբ:

Հովհաննես Դրասխանակերտցու «Պատմութիւն Հայոց» գրքում «գերդաստան» տերմինն ունի կալվածքի, հողի նշանակություն:

«Գերդաստան» տերմինի տարբեր իմաստների (ծառայ,՝ ինչք, կալվածք) միջև նկատվում է ներքին որոշ կապ, որը հիմք է տալիս ենթադրելու, թե «գերդաստան» տերմինը նախապես ունեցել է առհասարակ անշունչ և շնչավոր ունեցվածքի (հող, այդ հողի վրա աշխատող ստրուկների) նշանակություն, ճիշտ այնպես, ինչպես «աղխ» տերմինը լսորենացուց վերը բերված հաստվածում:

Ժամանակի ընթացքում, երբ ստրկության ինստիտուտը վերանում է, «գերդաստան» տերմինը սլահսլանվում է միայն ունեցվածքի, կալվածքի նշանակությամբ՝ դրանից բացառելով ստրուկի, ծառայի ըմբռնումը: Եթե նույնիսկ ճիշտ էլ չէ վերջին ենթադրությունը, համենայն դեպս Աստվածաշնչում ծառայի նշանակությամբ «գերդաստան» տերմինի գործածվելը կասկած չի հարուցում:

Իսկ ծառայի, ստրուկի ըմբռնումը կարող է իմաստային կապ ունենալ ստրկատիրական ընտանիքի հետ, նման հոմեականին, ուր «ֆամիլիա»-ն (ընտանիք) ներքին կապ ունի «ֆամուլուս»-ի (ստրուկ) հետ և հունականին, ուր *οἶκος* (ընտանիք) բառը կազմվել է *οἶκος* (ստրուկ) բառից:

Հոմեական ընտանիք և ստրուկ հասկացողությունների առնչության մասին միտքն արտահայտել է Կ. Մարքսը իր *Լուիս Գ. Մորգանի «Հին հասարակություն»* գրքի կոնսպեկտում: «...Իր նախասկզբնական նշանակությամբ *familia* բառը, — գրում է Մարքսը, — վերաբերվել է ոչ թե ամուսնական զույգին և իրենց երեխաներին, այլ ստրուկների և ծառաների ամբողջությամբ, որոնք աշխատել են նրանց ինամելու համար և գտնվել են *pater familias*-ի իշխանության տակ»<sup>2</sup>: Ի դեպ ավելացնենք, որ հոմեական «ֆամիլիան» գործածվել է որպես ծառանգարար անցնող *patrimonium*-ի (ունեցվածք) հոմանիշ:

Հնարավոր է, որ նման զուգահեռի հիման վրա էլ Հայկազյան լեզվի նոր բառագրքում գերդաստանին որպես հոմանիշ լատիներենից բերվում է *familia* ինչպես և հունարեն *οἶκος*, մինչդեռ «տուն» տերմինը համապատասխանում է լատիներեն *domus*-ին:

Հետաքրքիր է «գերդաստան» տերմինի բնորոշումը հենց նույն բառարանում. «բնակարան հանդերձ բնակչուք, և ամենայն սսլասուք», «տուն ըստ որում տան ծառայք, ընդոծինք»<sup>3</sup>:

<sup>1</sup> «Նոր բառգիրք Հայկազեան լեզուի», հատ. Ա, էջ 12:

<sup>2</sup> *Архив Маркса—Энгельса*, հատ. IX, էջ 31:

<sup>3</sup> «Նոր բառգիրք Հայկազեան լեզուի», հատ. Ա, էջ 12:

Ասվածի հիման վրա կարելի է ենթադրել, որ «գերդաստան» տերմինը կարող էր նշանակել իր կազմում տնային ստրուկներ ունեցող հասարակական նոր խմբավորում, իսկ «տուն» տերմինը մեծ ընտանիքի իմաստով գործածութեան մեջ է եղել տնային ստրկութեան հանդես գալուց շատ ավելի առաջ:

Մեծ ընտանիքի որակական փոփոխութեան հետ միասին, ստրկատիրական հասարակութեան մեջ զգացվել է նոր տերմինի անհրաժեշտութիւնը, որը հենց «գերդաստանն» էր:

Սակայն, «գերդաստանը» ստրկատիրական ընտանիքի նշանակութեամբ տեղական գոյութիւն չի ունեցել, ինչպէս և երկարատե չի եղել ստրկատիրութիւնը Հայաստանում:

Ընտանիքի այդ ձևի անհետացման հետ միասին, անհետանում է նաև համապատասխան տերմինը, միաժամանակ և վերածնվում է մեծ ընտանիքի հին անվանումն՝ տունը:

Անզգագրական գրականութեան մեջ մեծ ընտանիքի իմաստով «գերդաստան» տերմինի ուշ շրջանում գործածվելը ինչպէս ասվեց արդէն, ազգագրագետների նորամուծութիւնն է, կատարված անցյալ դարի երկրորդ կեսին, որը կարելի է քաջատրել մեծ ու փոքր ընտանիքները տարբերակելու անհրաժեշտութեամբ:

Իրբեմնի մեծ ընտանիք նշանակած «տուն» տերմինը այդ նստատակով անկարելի էր գործածել, քանի որ միամանակի ընթացքում անհատական ընտանիքի աստիճանական առանձնացմամբ, ասլա և գերակշռմամբ, այն անցել էր վերջինիս:

Հանրագումարի բերելով ասվածը, հանդում ենք այն եզրակացութեան, որ հայ ընտանեկան համայնքը զարգացման որոշ աստիճանում իր կազմի մեջ ունեցել է նաև տնային ստրուկներ:

Ֆեոդալական հարաբերութիւնների զարգացմամբ տնային ստրկութիւնը հետզհետե անհետանում է, բայց և միաժամանակ դրա առանձին վերաստրուկները պահպանվում են գյուղացիական համայնքում, մինչև անցյալ դարի վերջերը:

Այդ ինստիտուտի վերաստրուկներից է նոքարութիւնը: Հարուստ ընտանիքներում աշխատող նոքարները իրենց հասարակական դրութեամբ սակավահող կամ հողազուրկ գյուղացիներ լինելով հանդերձ, համայնքի աղատ անդամներ են: Այսպիսով նոքարները իրենց հասարակական այս առանձնահատուկ դրութեամբ տարբերվում են ստրուկներից:

Մյուս կողմից՝ տնային աշխատողը թեև օգտվում է գերդաստանի մյուս անդամների շատ իրավունքներից, այնուամենայնիւ, նա բացառվում է գերդաստանի կազմից: Չնայած, որ գերդաստանում նոքարների աշխատանքի օգտագործումը և հասարակական դիրքը ավելի բարենպաստ պայմաններում էին գտնվում քան տնային ստրուկներինը, այնուամենայնիւ, նոքարութեան ինստիտուտն ինքը դասակարգային խիստ շերտավորման է ենթարկված և, ինչպէս նշեցինք, 19-րդ դարում նոքարները հանդիսանում էին հայկական գյուղի շահագործվող խավը: